

Р 142  
392

# АКАѦШТЪ

ПРЕПОДОБНОМУ И БОГОНОСНОМУ

ОТЦУ НАШЕМУ КИРИЛЛУ

ИГУМЕНУ БЪЛОЕЗЕРСКОМУ

ЧУДОТВОРЦУ.

С.-ПЕТЕРБУРГЪ

Типографіа А. Пожаровой, Загородный проспектъ, д. № 8.

1882.

~~10~~  
~~2/8/85~~  
~~РП~~  
~~М 789~~

А В А О И С Т Р

УМОНДОНОМА И РОЛОНОНОМА

ОТЦА НАШЕМА КНЯЗДА

ИЛАМЕНА ВЪЛОЗЕВЪСКОМА

ИДОТВОРИТЪ

С-ИЕТЕРВАЛТ

Таворскія А. Пожарной. Заповодный пропускъ. № 2

1883

Р 112  
322

# А К А Θ И С Т Ъ

Преподобному и Богоносному Отцу на-  
шему К и р и л л у игумену Бѣлоезерскому  
Чудотворцу.



Отъ С.-Петербургскаго Комитета духовной цензуры печатать дозволяется.  
С.-Петербургъ, Юни 11 дня 1882 года.

Цензоръ Архимандритъ *Тихонъ*.

РОССИЙСКАЯ  
ГОСУДАРСТВЕННАЯ  
БИБЛИОТЕКА

17696-95



2007338316

## АКАѦИСТЪ

Преподобному и Богоносному Отцу нашему  
Кириллу игумену Бѣлозерскому Чудотворцу.

### КОНДАКЪ 1.

Избранный отъ Царя силъ—Господа Іисуса, воине  
духовный и чудотворче предивный, Преподобне Отче  
нашъ Кирилле, восхваляемъ тя любовію въ пѣсняхъ  
духовныхъ, святаго Заступника нашего, ты же, яко  
имѣяй благосердіе многое, преклонися милостивнѣ  
къ намъ воспѣвающимъ тя, и предстательствомъ тво-  
имъ ко Господу, отъ всякихъ бѣдъ свободы зовущихъ  
ти радостно: радуйся Кирилле, великій Чудотворче!

### ИКОСЪ 1.

Ангель земный и человѣкъ небесный воистину  
былъ еси, Отче преподобне, отъ утра жизни твоея,  
до глубокаго вечера смертнаго, нелѣнно работавый

ЦЕНТРАЛЬНЫЙ  
КНИГООБМЕННЫЙ  
ФОНД

Господевѣ въ преподобіи и святѣни, намъ же оставивый въ примѣръ подражанія житіе твое равноангельное, ему-же чудящеся, и чудеса твоими просвѣщаемы, зовемъ ти гласы хвалебными сице: радуйся, родителей благочестивыхъ плодъ боголюбезный: радуйся, Первопрестольнаго града Москвы прозябеніе святое. Радуйся, сиротетвовавый въ юности твоея: радуйся, въ сиротствѣ твоємъ Бога любовію усердною взыскавый. Радуйся, въ сыновство Божіе свыше сопричтенный: радуйся, вся богатства міра сего Христа ради презрѣвый. Радуйся, радости и утѣхи земныя ни во что же вмѣнивый. Радуйся, едино тѣчаніе имѣвый, еже единому Богу благоугождати. Радуйся, чтеніемъ писаній Божественныхъ душу твою напитавый: радуйся, слезами молитвенными сердце твое у плодоносивый. Радуйся, чистоту душевную и тѣлесную непорочно сохранивый. Радуйся, постомъ и воздержаніемъ страсти юношескія обуздавый. Радуйся, Кирилле, великій чудотворче!

## БОНДАКЪ 2.

Видѣвъ сродникъ твой, именитый бояринъ Самодержца Россійскаго, благонравіе души твоея, Отче преблаженне, возлюби тя и постави строителемъ дома своего, да печешися о потребахъ его, ты же молвами житейскими обуреваемый, зѣло болѣзновалъ еси душею твоею, и теплѣ молился еси ко Господу, да сподобитъ тя внѣ міра и его суеть, въ безмолвіи Ему

служити и невозбранно воспѣвати ангельскую пѣснь:  
Аллилуіа.

## ИКОСТЬ 2.

Разумомъ богопросвѣщеннымъ позна благоплодіе души твоя Преподобный Стефанъ, игумень обители иже на Махрѣ, егда прииде во градъ Москву и познася съ тобою, Святче Божій, емуже ты со слезами желаніе сердца твоего исповѣдалъ еси, яко хощещи инокъ быти, и отъ него обрученіе ангельскаго образа воспріялъ еси. Поминая убо таковую ревность твою къ подвигомъ духовнымъ, ублажаемъ тя, яко избранника Божія, и умиленно глаголемъ: радуйся, кроткій и незлобивый послѣдователю Христовъ: радуйся, заповѣди Евангельскія самымъ дѣломъ совершивый. Радуйся, самоотверженіе дивное по глаголу Господа твоего явивый: радуйся, знатность рода и почести мірскія Христа ради оставивый. Радуйся, вмѣсто ризъ золотканыхъ, рубища иноческія возлюбивый: радуйся, крестъ Христовъ со усердіемъ на рамо твое воспріявый. Радуйся, въ души твоей добродѣтели высокія насадивый: радуйся, всякое пристрастіе суетное въ себѣ искоренивый. Радуйся, противу міра, плоти и діавола крѣпко вооруживыйся: радуйся, силою Божіею побѣдивый вся ихъ прилоги. Радуйся, бывый сосудъ непороченъ Божія благодати: радуйся, содѣлавыйся страшенъ и неприступенъ врагомъ невидимымъ. Радуйся, Кирилле, великій чудотворче!

### КОНДАКЪ 3.

Силою Божіею укрѣпленный, неубоялся еси, Преподобне, гнѣвавшагося на тя сродника твоего, иночествовати тебѣ возбранявшаго, но отъ руки священнаго Теодора, Архимандрита Симонова монастыря, совершенное постриженіе во ангельскій образъ воспріялъ еси, и въ стѣнахъ обители его тихое пристанище спасенія себѣ обрѣлъ еси, труды къ трудомъ прилагая, и въ молитвахъ деннонощныхъ сладцѣ воспѣвая Спасителю Богу: Аллилуіа.

### ИКОСЪ 3.

Имѣя послушаніе отъ Настоятеля, еже трудитися въ хлѣбнѣ и поварнѣ, Отче досточудне, не далъ еси сна очима твоима, ни вѣждомъ дреманія, но нелѣпно трудился еси, днемъ дрова сѣкій, огонь возжигаяй хлѣбы и пищу братіи приготавлиаяй, нощію же въ молитвахъ, псалмопѣннихъ и колѣнопреклоненіихъ бодренно пребываяй, былъ еси добрый дѣлатель Царствія Небеснаго, по степенемъ добродѣтелей восходивый къ совершенству духовному. Тѣмже восхваляемъ тя сице: радуйся, иноче богоугодный, иночествовавый нелицемѣрно отъ искреннія души: радуйся, послушнике совершенный, слово велѣнія самимъ дѣломъ предварявый. Радуйся, слезный искателю блаженства вѣчнаго: радуйся, молитвенный воздѣятелю рукъ преподобныхъ горѣ ко Господу. Радуйся, огнемъ пещнымъ въ хлѣбнѣ и поварнѣ, огонь мученія вѣчнаго

себѣ напоминавый: радуйся, послушаніемъ повареннымъ умиленія глубину стяжавый. Радуйся, хлѣбъ твой слезами любви ко Господу орешавый: радуйся, питіе твое плачемъ покаяннымъ растворявый. Радуйся, прежде всѣхъ обрѣтавыйся въ храмъ на службахъ Божественныхъ: радуйся, возлюбивый приметатися въ дому Бога твоего. Радуйся, поста суровствомъ умертвивый плоть твою, да невозобладаетъ она духомъ: радуйся, чрезъ два и три дня пищу скудную вкушавый. Радуйся, Кирилле, великій чудотворче!

#### КОНДАКЪ 4.

Буря страстей и тяжелоносныя искушеній волны, аще и приразишася къ тебѣ въ новоначаліи иноческомъ, Угодниче Божій, обаче не возмогоша поколебати крѣпость произволенія твоего, еже единому благоутюждати Богу. Тѣмже молитвою, постомъ и послушаніемъ истиннымъ, вся стрѣлы вражія, на тя испущенныя, недѣйственны сотворилъ еси, и сподобился еси еще во плоти, въ безстрастіи глубочѣмъ, возносити творцу Серафимскую пѣснь: Аллилуіа.

#### ИКОСЪ 4.

Слышавъ о добродѣтельномъ житіи твоёмъ, великій Сергій Радонежскій, возлюби тя зѣло, Отче Кирилле, и егда приходиша отъ пустыни своя въ обитель Симонову, прежде всѣхъ посѣщаше тя суща въ подвигахъ иноческаго послушанія, предпочитая тя юнаго старцемъ многолѣтнимъ, и тѣмъ во удивленіе приводя

всю братію, отъ егоже усть святыхъ много словесъ  
 душеполезныхъ слышалъ еси, и слагая ихъ въ  
 сердце твоємъ, былъ еси добрый ученикъ великаго  
 учителя, воистину достойный благохваленій таковыхъ:  
 Радуйся, богоносного Сергіа избранный друже и со-  
 бесѣдниче: радуйся, любовь велію о Господѣ къ нему  
 стяжавый, и отъ него зѣло возлюбленный. Радуйся,  
 во смиреніи твоємъ высокая дарованія духовная по-  
 лучивый: радуйся, уничиженно трудивыйся въ под-  
 вигахъ послушанія и тако Сергіева посѣщенія спо-  
 добленный. Радуйся, при послушаніяхъ твоихъ ни  
 когда же возроптавый: радуйся, судъ Божій и муки  
 вѣчныя приснопамятаваый. Радуйся, почестей сует-  
 ныхъ и славы человѣческія избѣгавый: радуйся,  
 юродство Христа ради на ся воспріявый, да отъ  
 всѣхъ уничиженъ будеши. Радуйся, отъ настоятеля  
 наказуемый, безчестіе въ почестъ себѣ вмѣнивый: ра-  
 дуйся, худыя и многошвенныя ризы носивый. Ра-  
 дуйся, зимнимъ хладомъ тѣло твое угнѣтавый: ра-  
 дуйся, покой тѣлесный возненавидѣвый. Радуйся, Ки-  
 рилле, великій чудотворче!

### КОНДАКЪ 5.

Боготечное свѣтило бывъ, на свѣщницѣ священ-  
 ства поставился еси волею настоятеля твоего, Отче  
 Кирилле, и яко непорочный олтаря Господня слу-  
 житель, со страхомъ и благоговѣніемъ жертву без-  
 кровную приносилъ еси Богу, иже содѣла ты тайно-

зрителемъ многихъ великихъ чудесъ, въ таинствѣ Евхаристіи сокрытыхъ, и являемыхъ священнослужителемъ достойнымъ, къ нимже и ты сопритченъ былъ еси, зовый отъ любви теплыя пострадавшему за насъ Христу: Аллилуіа.

### ИКОСЪ 5.

Видѣвше тя братія въ обители Симоновскія, богоносна и равноангельна житіемъ, Кирилле богоблаженне, избрана ты, аще и нехотяща, во Архимандрита обители своея, тыже жезлъ настоятельскій пріемъ, непревознесся еси толикаго сана высотой, но сугубо во смиреніи преуспѣвалъ еси, и былъ еси образъ преподобія словесному твоему стаду, словомъ и житіемъ поучая твоя ученики, иже и взываху къ тебѣ: радуйся, боговѣщанный учителю благочестія и чистоты: радуйся, умиленія преисполненный проповѣднице покаянія. Радуйся, егоже словеса быша во спасеніе многимъ: радуйся, егоже увѣщанія умягчиша окаменелая во грѣсѣхъ сердца. Радуйся, не словомъ токмо, но и вѣмъ житіемъ, поучавый духовная твоя чада: радуйся, чесому училъ еси, та и самъ творилъ еси нелицностно. Радуйся, князей богомудрый совѣтнице: радуйся, сильныхъ міра сего нелицепріятный обличителю. Радуйся, нищихъ и убогихъ любвеобильный кормителю: радуйся, егоже любовь къ меньшимъ о Христвѣ братіямъ никогдаже оскудѣ. Радуйся, егоже благодареніями насладишася мнози: радуйся, о немже прослав-

ляшеся на земли Отець небесный. Радуйся Кирилле, великій чудотворче!

### КОНДАКЪ 6.

Проповѣдникъ смиренія истиннаго явился еси, Отче, егда стуживъ си славою и молвою настоятельства въ Симоновѣ, оставилъ еси, настоятельство и удалился еси въ безмолвіе келейное, да единъ единому Богу возможши работати невозбранно, обаче и въ безмолвіи неостави ты врагъ спасенія человѣческаго, вооруживъ на ты наставшаго по тебѣ настоятеля, егоже гнѣву мѣсто уступая, преселился еси на старое Симоново, и тамо уединенно пребывая, немолчно воспѣвалъ еси пѣснь Богу: Аллилуіа.

### ИКОСЪ 6.

Возсія тебѣ свѣтъ небесный, егда въ вечеръ глубокой молился еси, Преподобне, въ келіи твоей предъ иконою Богоматери, прося Ю даровати тебѣ мѣсто удобное къ безмолвному житію, и се рабіе услышалъ еси гласъ отъ иконы Ея Святыя, сице глаголющъ: „Кирилле, изыди отсюда и иди на Бѣлоозеро: тамо бо уготовахъ ти мѣсто, на немже возможши спастися,“ и съ гласомъ вкупѣ, луча свѣтозарная отъ полунощныя страны, осія и указа тебѣ мѣсто, свыше предъизбранное для твоего вселенія, егоже радостно созерцалъ еси оконцемъ твоея келіи. Тебѣ убо сице обрадованному, и мы радостно вослицаемъ: Радуйся, ве-

ликій угодниче Божій, еще на земли созерцавый свѣтъ небесный: радуйся, избранный слуго Матери Господни возглаголавшей къ тебѣ отъ иконы своея святыя. Радуйся, благоволеніемъ Владычицы міра облагодатствованный: радуйся, прошенія твоего исполненіе отъ Нея пріемый. Радуйся, яко молитва твоя услышана бысть заступницею рода христіанскаго: радуйся, яко нощь просвѣтися тебѣ сіяніемъ Божественныя славы. Радуйся, яко далече отстоящее мѣсто, близъ показася тебѣ судьбами Божиими дивными: Радуйся, яко свыше даровася тебѣ мѣсто покоя духовнаго. Радуйся, радости и утѣшенія о семъ преисполненный: радуйся, слезы теплыя благодаренія и хваленія предъ Богомъ излилавый. Радуйся, молитвъ благовонное кадило: радуйся, псалмопѣнія органе изящный. Радуйся, Кирилле, великій Чудотворче!

#### КОНДАКЪ 7.

Дивное видѣніе и гласъ отъ иконы Богоматери бывшій, повѣдалъ еси, Преподобне Отче, спостнику твоему и другу, Преподобному Ѳерапонту, и съ нимъ вкупѣ оставилъ еси градъ отечествія твоего, и потекль еси въ пустыню непроходимую на Бѣлоезеро, ища Богомъ указаннаго ти мѣста, еже обрѣтъ, зѣло возрадовался еси, и на немъ въ пещерѣ вселился еси, во освященіе же мѣсту, честный Крестъ, своима рукама соорудивъ, тамо поставилъ еси, зовый распещемуся на Крестъ и поправшему силу адову, Царю славы Христу: Аллилуіа.

## ИКОСЬ 7.

Новымъ подвигомъ духовнымъ вдаль еси себе, боглаженне Отче, въ пустыни уединенно пребывая, въ молитвахъ, пощеніихъ и трудѣхъ непрестанныхъ, еже видя всевидѣць—Господь, собра къ тебѣ паству иноковъ пустыннолюбивыхъ, иже хотяху жити съ тобою, и назидатися отъ тебе во спасеніе: и тако устроилъ еси обитель святую, яко кринь въ пустыни процвѣтшую духовно, въ ней же до днесъ прославляется имя твое сими достодолжными похвалы: радуйся, Преподобне, святостію и чистотою свѣтло украшенный: радуйся, богоносне, дарами Божественными свыше одаренный. Радуйся, пастырю добрый тобою собраннаго стада словеснихъ овецъ: радуйся, строителю богомудрый общежитія иноческаго. Радуйся, пустыню непроходимую въ вертоградъ духовный трудами твоими претворивый: радуйся, вся страхованія и привидѣнія вражія молитвами твоими посрамивый. Радуйся, несомнѣнною надеждою на Бога обитель твою созидавый: радуйся, слезами молитвенными основаніе ея оросивый. Радуйся, нищій духомъ, но многи богатящій: радуйся, рукою Всевышняго державно охраняемый. Радуйся, отъ напрасныя смерти дивно избавленный: радуйся, отъ запаленія огненнаго невидимо защищенный. Радуйся Кирилле, великій Чудотворче!

## КОНДАКЪ 8.

Странное видѣніе бысть разбойникомъ, обитель

твою ограбити умыслившимъ, Святъ Божій, иже пришедь къ ней ношю, видѣша ратныхъ людей множество, на стражѣ вокругъ обители стоящихъ, и ограбити ю непопускающихъ, егда же увѣдаша, яко некоторые стражи небысть въ обители тоя нощи, познаша Божию тя защищающую силу, и съ раскаяніемъ притекше<sup>мъ</sup> къ тебѣ, исповѣдаху видѣніе чудесное, о немже радуяся, воспѣль еси со ученики твоими, спасающему тя Богу, благодарственную пѣснь: Аллилуіа.

### И КОСЬ 8.

Весь въ Бозѣ бывъ, упованіе крѣпкое на Бога возложилъ еси, Отче преподобне, яко силенъ есть препитати тя со ученики твоими, въ пустынномъ мѣстѣ пребывающихъ. Тѣмже подавнїя просити ни къ кому не посылалъ еси, вѣруя несомнѣнно, яко вся къ житію потребная отъ руки Божїа получиши: и по вѣрѣ твоей и молитвѣ, отъ боголюбцевъ вся сіа и безъ прошенїя твоего получалъ еси, удивляя чада твоя силою вѣры творящїа чудеса, и подвизая звати тебѣ: радуйся, безмолвія рачителю, молву суетную возненавидѣвый: радуйся, богомысліа высото, попеченїи житейскими недосыгаемая. Радуйся, воздержанїа въ пици и питїи правило извѣстное: радуйся, нетрезвеннаго питїа въ обители твоей имѣти возбранивый. Радуйся, законоположенїа святыхъ Отець неизмѣнно сохранивый: радуйся, къ подвигомъ высокимъ ученики твоя руководивый. Радуйся, достигїи

въ мѣру совершенства о Христѣ: радуйся, пріавый  
 власть на духи нечистыя. Радуйся, Чудотворенія да-  
 ромъ обогащенный: радуйся, силою Божественною  
 преисполненный. Радуйся, прозорливость благодатную  
 проявивый: радуйся, помощь цѣлебную немздопріимно  
 подававый. Радуйся Кирилле, великій чудотворче!

### КОНДАКЪ 9.

Все иноцы обители твоя, Преподобне Отче, яко  
 Ангела Божія ты почитаху, ибо воистину ангело по-  
 добнѣи нравы являлъ еси имъ въ житіи твоёмъ свя-  
 томъ, иже все бысть посвящено богоугожденію непре-  
 станному. Тѣмже дивныя чудеса творити дарова тебѣ  
 Богъ: недужныя исцѣлялъ еси, бѣсноватыя отъ му-  
 ченія діавольскаго свобождалъ еси, будущая прори-  
 цалъ еси и самихъ мертвейцовъ воскрешалъ еси молит-  
 вою твоею, во еже пѣти о тебѣ ближнимъ и дальнимъ,  
 хвалебную пѣнь верховному чудесъ творцу-Богу:  
 Аллилуіа.

### ИКОСЪ 9.

Витійство человѣческое не можетъ изрещи величіе  
 чудесъ твоихъ, Угодниче Божій, Отче Кирилле, ими-  
 же житіе твое земное, яко цвѣтами благовонными,  
 духовно благоукрасися, облагоухая<sup>м</sup> души вѣрныхъ  
 сладостію преподобія и святыни, и приводя ихъ къ  
 словословію Бога, сице прославльшаго тя, своего  
 избраника, намъ же внушающаго взывати къ тебѣ:  
 радуйся, священнотаинниче Божія благодати: радуйся,

дѣлателью многихъ дивныхъ чудесъ. Радуйся, болящихъ добрый цѣлебниче: радуйся, разслабленныхъ благосердый укрѣпителю. Радуйся, слѣпымъ зрѣнію многожды даровавый. Радуйся, бѣсноватыхъ отъ насилія діавольскаго освободивый. Радуйся, боярина Романа отъ овра смертнаго здрава возставивый: радуйся, умершаго инока Далмата на покаяніе воскресивый. Радуйся, оскудѣвшее въ обители твоей вино для Литургіи святыя, чудесно умноживый: радуйся, во время глада опустѣвшую житницу хлѣбомъ наполнивый. Радуйся, онымъ хлѣбомъ гладныя люди милостивно прешитавый: радуйся, яко хлѣбъ той, тобою раздаваемый, въ житницѣ неоскудѣваше, но паче умножашеся. Радуйся Кирилле, великій чудотворче!

### КОНДАКЪ 10.

Спасеніе вѣчное унаслѣдовалъ еси, Угодниче Божій, и кончину праведную, яко вѣнецъ подвигомъ твоимъ, получилъ еси, неболѣзненно и мирно пришедь отъ земныхъ къ обителямъ небеснымъ, идѣже святая твоя душа, воздаяніе прія отъ руки вседержителя Бога, и со Ангельскими воинствы предстоить престолу Его Божественному, воспѣвая немолчную Ему пѣснь: Аллилуіа.

### ИКОСЪ 10.

Царя небеснаго рабе благій и вѣрный, данный тебѣ талантъ несокривый, но трудолюбно его усугу-

бывый, и многу куплю духовную имъ сотворивый, Отче Кирилле, помози и намъ земнымъ и перстнымъ, подражати житію твоему святому, и стяжати при исходѣ нашемъ благую надежду спасенія, да поемъ тебѣ умиленными гласы: радуйся, Святче Божій, свято и непорочно скончавый жизнь земную: радуйся, Избранниче Христовъ, безболѣзненно и мирно предавый духъ твой въ руцѣ Божіи. Радуйся, яко смерть твоя честна предъ Господемъ, и усненіе со Святыми: радуйся, яко память твоя съ похвалами почитается во Святѣй Церкви. Радуйся, яко преселился въ небесныя обители, и земныхъ не оставляеши: радуйся, яко отъ горныхъ высотъ благосердіемъ твоимъ къ земнороднымъ проникаеши. Радуйся, чудотворецъ бывый при жизни, таковымъ же явивыйся и по смерти: радуйся, обитель твою и по скончаніи твоёмъ сохранивый. Радуйся, чада твоя духовная и по смерти твоей не забывый. Радуйся, во утѣшеніе имъ цѣлебныя мощи твои оставивый. Радуйся, чтущимъ тя скорый предстателю: радуйся, усердный всѣхъ прибѣгающихъ къ тебѣ заступниче. Радуйся Кирилле, великій чудотворче!

### КОНДАКЪ 11.

Пѣніе молебное приносится вѣрными у раки святыхъ мощей твоихъ, Кирилле богоносне, иже аще и въ пѣдрахъ земныхъ почивають, обаче лучи многихъ чудесъ испускають, озаряя души и сердца ищущи-

щихъ съ вѣрою твоего заступленія, егоже сподоби и насъ смиренныхъ сія пѣсенныя хвалы тебѣ возносящихъ, и Богу благодарно зовущихъ: Аллилуіа.

### ИКОСЪ 11.

Свѣтозарный свѣтильникъ Божія благодати, озаряяй, полунощную страну Россійскаго Царства, явился еси, Преподобне и досточудне Отче Кирилле, духовнымъ сіяніемъ твоихъ подвиговъ и чудесъ просвѣтивый пустыню, и въ ней обитель инокомъ устроивый, идѣже постниковъ лики, тихое пристанище спасенія обрѣтають, и ты, первоначальника своего любовію величающе, пѣсенно тебѣ вопіють: радуйся, великоименитый и многославный въ чудесѣхъ подвижнике: радуйся, ангелонравный человѣче. Радуйся, отечества твоего благодатное утѣшеніе: радуйся, обители твоя присное радованіе. Радуйся, мощами твоими святыми преславно въ ней чудодѣйствуяй: радуйся, молитвы и прошенія наша во благо исполняяй. Радуйся, смиреніе при жизни и по смерти возлюбивый: радуйся, смиренно мощамъ твоимъ въ нѣдрахъ земныхъ почивати восхотѣвый. Радуйся, яко рака твоя честная лечебница явися недугомъ человѣческимъ: радуйся, яко отъ нея всякъ съ вѣрою приходяй дары цѣлебныя приѣмлетъ. Радуйся, рѣко чудесъ приснотекущая. Радуйся, источнике исцѣленій никогдаже оскудѣвающій. Радуйся Кирилле, великій чудотворче!

## КОНДАКЪ 12.

Благодати Божія свѣтлое жилище бывъ при жизни, Угодниче Божій, и по смерти твоей благодати причастну содѣлалъ еси раку мощей твоихъ, чудесы преславными увѣряя насъ, яко великъ еси предъ Господемъ, и яко много можетъ молитва твоя предъ благостию Его. Яви убо и намъ не достойнымъ щедроты твоя молитвенныя, и предстательствомъ твоимъ теплымъ окорми насъ ко пристанищу спасенія, да поемъ на земли живыхъ, присно живыми и мертвыми обладающему Владицѣ—Богу: Аллилуіа.

## ИКОСЪ 12.

Поюще многая и преславная чудеса твоя, Преподобне Отче Кирилле, смиренно просимъ тя, небеснаго Заступника нашего: въ часъ грозный смертный, егда убогая душа наша къ исходу своему приблизится, покажи намъ многомощное твое заступленіе, и избави, насъ предстательствомъ твоимъ отъ власти силъ темныхъ, обыкшихъ преграждати душѣ чловѣчестѣй восходъ въ горнія обители, ихже достигнути сподоби насъ молитвами твоими, да зовемъ тебѣ благорными гласы: Радуйся, Пресвятая единосущная Троицы усердный служителю: радуйся, Пресвятая Владычицы Богородицы достойный избранниче. Радуйся, Ангельскихъ силъ свѣтлый собесѣдниче: радуйся, Предтечи Господня пустыннолюбивый подражателю. Радуйся, Пророковъ Божіихъ прозорливый подобниче: радуйся,

Апостоловъ Христовыхъ единоправный послѣдователю. Радуйся, мученикомъ добропобѣднымъ сравнивыйся въ подвизѣхъ терпѣніемъ: радуйся, Святителемъ богомудрымъ соревновавый душеспасительнымъ учениемъ: радуйся, сіяющая звѣздо въ лицѣ Преподобныхъ: радуйся. блаженный сожителю Праведныхъ и всѣхъ святыхъ. Радуйся, о немъ же радуются и Бога хвалятъ человецы: радуйся, егоже трепещутъ темныя адскія силы. Радуйся Кирилле, великій чудотворче!

### КОНДАКЪ 13.

О великій Угодниче Божій и чудотворче, Преподобне Отче Кирилле! ты горѣ на небеси, мы долу на земли, удаленніи отъ тебе не толико мѣстомъ, колико грѣхами нашими, обаче дерзаемъ приносить тебѣ сіе малое похвальное пѣніе, еже милостивно приемиши, умоли милосердаго Творца, помилovati насъ и избавити геены огненныя и мученій адскихъ, да сподобимся вкушѣ съ тобою, въ Царствіи небеснѣмъ, пѣти Ему вѣчно радостную пѣснь: Аллилуіа.

*Сей Кондакъ читается трижды.*

*И паки читается: Икосъ 1-й и Кондакъ 1-й.*

## МОЛИТВА.

О священная главо, Преподобне и Богоносне Отче Кирилле! Припадаемъ къ тебѣ съ вѣрою и любовію, и просимъ тя, небснаго Заступника нашего: яви велие милосердіе твое намъ смиреннымъ и грѣшнымъ, и пролей теплыя молитвы твои о насъ ко Господу Богу. Свойственно есть тебѣ благосердіе, Святче Божій, ибо живущу ти на земли, едино бысть у тебе попеченіе, еже спасати отъ погибели грѣховны души чловѣческія, и вся твоя жизнь святая бысть зеркаломъ добрыхъ дѣлъ, о нихъ же прославляшеся въ тебѣ Отець небесный, къ нему же велие дерзновение стяжавъ, испроси намъ у благости Его: вѣру праву, благочестіе нелицемѣрное, покаяніе истинное; братолюбіе совершенное и преуспѣяніе во всѣхъ благихъ дѣлѣхъ. Исходатайствуй намъ здравіе душевное и тѣлесное, земли плодоносіе, воздуха благораствореніе мирное и безмятежное житіе, непостыдную христіанскую кончину и добрый отвѣтъ на страшнемъ Судѣ

Христовомъ. Сохрани Церковь святую и державу Россійскую отъ браней и нестроеній. Пособствуй Благочестивѣйшему Самодержавнѣйшему Государю нашему ИМПЕРАТОРУ АЛЕКСАНДРУ АЛЕКСАНДРОВИЧУ побѣждати враги и супостаты ЕГО. Огради и обитель твою честную отъ всякаго зла, и вся правовѣрныя люди, къ тебѣ приходящія и мощемъ твоимъ покланяющіяся, осѣни небеснымъ твоимъ благословеніемъ, и вся прошенія ихъ во благо исполни. Ей, Отче, не презри молитвъ нашихъ, со умиленіемъ тебѣ возносимыхъ, но буди о насъ теплый представитель ко Господу, и сподоби насъ помощію своею святою спасеніе вѣчное получитьи, и Царствіе небесное унаслѣдовати, да славословимъ великія щедроты и неизреченныя милости Отца и Сына и Святаго Духа, въ Троицѣ покланяемаго Бога, и твое Отеческое заступленіе, во вѣки вѣковъ, аминь.

